

Au Aiātatau

I lalo o le Tulafono 1992 mo le Soifua Maloloina o le Mafaufau (Iloiloga ma Togafitiga e Faamalosia le Faia)

Aukuso 2019

E iai lau aiātatau e togafitia ai oe i se tulaga faaaloalo.

- E iai lau aiātatau e muai faailoa mae'ae'a atu ai ia te oe lou tulaga faaletulafono ma vaega uma e aofia i le iloiloga e faia ia te oe, o ou togafitiga ma le toe lauliliuina o lou tulaga.
- E iai lau aiātatau e toe lauliliu ai lou tulaga e se Faamasino, poo se Komiti Suesue mo Toe Lauliliuga, e fuafua lava i lou tulaga faaletulafono. E mafai foi ona e talosagaina le faia o se suesuega tau faamasinoga.
- E iai lau aiātatau ia amanaia pe faaaloologia ai lou faasinomaga faaleaganuu ma ou talitonuga totino. E mafai ona lua toalua ma se tasi e tautala i lau gagana, poo se isi mai lou aiga, sau uo poo se tasi o loo lagolagoina oe, i le taimi e toe iloilo pe toe lauliliuina ai lou tulaga.
- E iai lau aiātatau e te mauaina ai se tausiga faafomai ma tausiga mo lou soifua maloloina ia fetau lelei ma le tulaga o loo e iai. A'o lei amataina sou togafitiga, e tatau ona muai ta'u atu ia te oe aogā ma ni aafiaga e lei fuafuaina e ono alia'e mulimuli ane pe a fai lena togafitiga.
- E iai lau aiātatau e te teena ai le pueina i se video poo se isi laau pueleo le taimi e fai ai lou togafitiga, pe faaogā i se isi taimi.
- E iai lau aiātatau e te tǎpā ai se manatu mai se isi fomai o le mafaufau o loo galue tutoatasi.
- E iai lau aiātatau e te talosagaina ai se loia na te fautuaina oe e tusa ai o au aiātatau ma lou tulaga o se gasegase, pe i soo se isi lava mataupu.
- E iai lau aiātatau e faatasi atu ai isi tagata ia te oe. E faatoa tuu lava na o oe pe afai o se mea ua talafeagai, mo le faatinoina o se tausiga mo oe poo sou togafitiga, pe ona o se puipuiga o isi.
- E iai lau aiātatau e faataga ai nisi e asiasi atu ia te oe ma lou faaogāina o le telefoni i taimi talafeagai. E mafai ona e lafoina ma maua mai ni au tusi e lē o talaia. O nei aiātatau e mafai ona faatapulaa e le fomai o loo vaaia oe, ae i le na o ni mafuaaga patino.

O le ā le umi e aogā ai mo a’u lenei Tulafono?

- O le umi o le uluai vaiitaimi o le iloiloga e oo atu i le 5 aso.
- Afai e te manaomia se iloiloga atili ma se togafitiga, o le vaiitaimi lona lua la o le iloiloga e oo atu i le 14 aso.
- Afai e lē o lava pea lou malosia e te tea ai i tua, ona fai lea o se talosaga i le faamasinoga mo se poloaiga e faamalosia ai ona faia sou togafitiga.
- A itiiti mai e tatau ona ta’i 6 masina ma toe lauliliu poloaiga mo le faamalosia o le faia o togafitiga.

Pe mafai ona ou teena togafitiga?

- A o faagasolo le vaiitaimi muamua (5 aso), lona lua (14 aso), ma le isi vaiitaimi mulimuli mai o iloiloga, faapea foi ma se isi taimi e oo atu i le tasi le masina pe a mae’a ona aumai se poloaiga e faamalosia ai le faia o se togafitiga, e mafai lava ona tǎpā oe ia fai lou togafitiga e tusa pe e te lē ioe i ai.
- A mae’a loa le taimi lena, ona tǎpā lea o lau ioega mo isi togafitiga e toe fai ia te oe. Afai e te lē ioe, e faatoa toe fai lava sou togafitiga pe afai e talitonu se isi fomai aloaia o le mafaufau, e iai se aogā ia te oe pe a fai lena togafitiga.

O ai e mafai ona ou talanoa i ai e uiga i a’u aiātatau?

E iai lau aiātatau e te maua ai se fesoasoani mai se tasi pe afai e te lē o fiafia i le auala o loo togafitia ai oe, pe o iai foi ni au fesili e uiga i au aiātatau.

Talosaga atu i se isi o le afaigaluega e faafesootai oe i se tasi o i latou nei:

- se tagata asiasi faaitumalo (o loia e mafai ona latou faia suesuega i ni faaseā ma faamatala atu au aiātatau, e aunoa ma lou totogia o se tupe)
- o lau lava loia (Afai e lē o iai sau loia, e mafai e le afaigaluega poo le tagata asiasi faaitumalo ona faailoa ane se loia ia te oe. Afai e te lē gafatia ona totogi se loia, e iai le vaega tupe mai le malo e fesoasoani i le totogiina o se loia.)
- le ofisa o le Komesina o le Soifua Maloloina ma Gasegase e iai Manaoga Tumau (e mafai e le ofisa o le Komesina ona fautuaina oe i au aiātatau ma faia ni saililiga e uiga i ni faaseā)
- se tasi o loo lagolagoina se gasegase (o tagata nei e naunau faapitoa i aiātatau a gasegase).



Aukuso 2019